



## JU KANTONALNA BOLNICA ZENICA

Adresa: Crkvice 67, 72000 Zenica, Bosna i Hercegovina Direktor: 032 226 575  
Centrala: 032 405-133 fax: 032 226 576 E-mail: kbzenica@kbze.ba

Identifikacijski broj: 4218136720007

Registrovano kod Kantonalnog suda u Zenici Rj.br: U/I 486/98 od 09.04.1999.

Broj: 01-02-5986 /23  
Zenica, 14.08.2023. godine.

Na osnovu člana 69. i 70. Zakona o javnim nabavkama ("Službeni glasnik BiH" broj 39/14), člana 21. Pravilnika o javnim nabavkama JU Kantonalne bolnice Zenica (broj 20/1-1-17555 od 24.08.2016 godine), direktor Kantonalne bolnice Zenica, donosi

### ODLUKU

#### I

Vrši se odabir ponude ponuđača „MEDPOINT“ d.o.o. Sarajevo, kao najpovoljnije za javnu nabavku robe, fotomultiplikator za potrebe JU Kantonalna bolnica Zenica (otvoreni postupak javne nabavke, uz namjeru provođenja e-aukcije, tender broj:11-75/23), i dodjeljuje ugovor odabranom ponuđaču, sa najpovoljnijom ukupno ponuđenom cijenom od 8.000,00 KM, bez PDV-a, i garantnim rokom od 12 (dvanaest) mjeseci od dana ugradnje.

Sa odabranim ponuđačem zaključuje se ugovor na period trajanja garancije od 12 (dvanaest) mjeseci, nakon pravosnažnosti ove odluke, i to na iznos od **8.000,00 KM, bez PDV.**

#### II

Javna nabavka je provedena putem otvorenog postupka, uz namjeru provođenja e-aukcije, tender broj: 11-75/23.

#### III

Ova odluka stupa na snagu danom donošenja.

### Obrazloženje

U skladu sa članom 5. i 8. Pravilnika o uspostavljanju i radu Komisije za nabavke (Službeni glasnik BiH broj 103/14), Komisija za javnu nabavku robe: Fotomultiplikator za gama kameru za potrebe Odjela nuklearne medicine JU Kantonalna bolnica Zenica) odlukom direktora 01-02-437-1/23 od 15.05.2023. godine podnosi direktoru JU Kantonalne bolnice Zenica Izvještaj o provedenom postupku javne nabavke robe - Fotomultiplikator za gama kameru za potrebe Odjela nuklearne medicine JU Kantonalna bolnica Zenica (otvoreni postupak nabavke, tender broj: 11-75/23)

Odlukom direktora broj 01-02-437/23 od 15.05.2023.godine pokrenut je postupak javne nabavke robe – Fotomultiplikator za gama kameru za potrebe Odjela nuklearne medicine JU Kantonalna bolnica Zenica ukupne procijenjene vrijednosti 8.000,00 KM bez PDV-a., otvorenim postupkom, a u skladu sa članom 19. st.1 Zakona o javnim nabavkama.

Otvoreni postupak je odabran za korištenje iz sljedećih razloga:

Članom 19. stav 1 Zakona o javnim nabavkama propisano je da Ugovorni organi iz člana 4.ovog zakona za dodjelu ugovora o javnoj nabavci primjenjuje otvoreni ili ograničeni postupak kao osnovne i redovne postupke. Obzirom da KB Zenica spada u ugovorne organe iz člana 4. ZJN, smatramo da su ispunjeni uslovi da se provede otvoreni postupak za javnu nabavku roba - Fotomultiplikator za gama kameru za potrebe Odjela nuklearne medicine JU Kantonalna bolnica Zenica.

Komisija je utvrdila sljedeće:

- da je na portalu „E-nabavke“ dana 29.06.2023. godine, objavljeno je obavještenje o nabavci, broj: 669-1-1-408-3-273/23, da je na portalu „E-nabavke“ dana 20.07.2023. godine, objavljena ispravka obavještenje o nabavci, broj: 669-1-1-408-8-289/23 i da je na portalu „E-nabavke“ dana 27.07.2023. godine, objavljena ispravka obavještenje o nabavci, broj: 669-1-1-408-8-303/23 sa namjerom provođenja e-aukcije, te rokom prijema ponuda i javnim otvaranjem ponuda zakazanim za dan 08.08.2023. godine,
- da je na portalu „E-nabavke“ nije bilo postavljenih upita za predmetnu nabavku od strane ponuđača,
- da je planirano zaključivanje ugovora sa jednim ponuđačem,
- da je javno otvaranje ponuda bilo dana 08.08.2023. godine u 10,00 sati

- da je na javnom otvaranju ponuda nisu prisustvovali predstavnici ponuđača,
- Da je sa portala „E-nabavke“ tendersku dokumentaciju objavljenu 29.06.2023. godine preuzelo ukupno 8 (osam) potencijalnih ponuđača,
- da su na (tender broj 11-75/23), u predviđenom roku pristigla 1 (jedna) ponude i to ponuda ponuđača:

1. „MEDPOINT“ d.o.o. Sarajevo

Prikaz prihvatljivosti ponuda prema obliku, sadržaju i potpunosti, iz zapisnika o otvaranju ponuda:

Redni broj omotnice ponude	Naziv ponuđača	Najniža cijena tehnički zadovoljavajuće ponude u KM (bez PDV-a)
1.	„MEDPOINT“ d.o.o. Sarajevo	Ukupna cijena ponude: <u>8.000,00</u> KM Garancija 12 mjeseci

Za ispunjavanje svih uslova predviđenih tenderskom dokumentacijom traženo je dostavljanje sljedećih dokumenata, obrazaca i izjava:

#### USLOVI ZA KVALIFIKACIJU

**Ponuđač je dužan u svrhu dokazivanja lične sposobnosti iz člana 45. ZJN BiH dokazati da:**

**a) u krivičnom postupku nije osuđen pravosnažnom presudom za krivična djela organizovanog kriminala, korupciju, prevaru ili pranje novca, u skladu sa važećim propisima u Bosni i Hercegovini ili zemlji u kojoj je registrovan;**

b) nije pod stečajem ili nije predmet stečajnog postupka, osim u slučaju postojanja važeće odluke o potvrdi stečajnog plana ili je predmet postupka likvidacije, odnosno u postupku je obustavljanja poslovne djelatnosti, u skladu sa važećim propisima u Bosni i Hercegovini ili zemlji u kojoj je registrovan;

c) je ispunio obaveze u vezi sa plaćanjem penzijskog i invalidskog osiguranja i zdravstvenog osiguranja, u skladu sa važećim propisima u Bosni i Hercegovini ili propisima zemlje u kojoj je registrovan;

d) je ispunio obaveze u vezi sa plaćanjem direktnih i indirektnih poreza, u skladu sa važećim propisima u Bosni i Hercegovini ili zemlji u kojoj je registrovan.

**U svrhu dokazivanja uslova iz tački a) do d) ponuđač je dužan dostaviti popunjenu i ovjerenu kod nadležnog organa (općinskog organa uprave, suda ili notara) izjavu koja je sastavni dio tenderske dokumentacije. Izjava ne smije biti starija od 15 dana od dana predaje ponude. Ukoliko ponudu dostavlja grupa ponuđača, svaki član grupe je dužan dostaviti ovjerenu izjavu.**

**Ponuđač koji bude odabran kao najbolji u ovom postupku javne nabavke je dužan dostaviti sljedeće dokaze u svrhu dokazivanja činjenica potvrđenih u izjavi i to:**

**a) izvod iz kaznene evidencije nadležnog suda i Suda BiH da u krivičnom postupku nije osuđen pravosnažnom presudom za krivična djela organizovanog kriminala, korupciju, prevaru ili pranje novca, u skladu sa važećim propisima u Bosni i Hercegovini ili zemlji u kojoj je registrovan;**

**b) izvod ili potvrda iz evidencije u kojim se vode činjenice da nije pod stečajem ili nije predmet stečajnog postupka, osim u slučaju postojanja važeće odluke o potvrdi stečajnog plana ili je predmet postupka likvidacije, odnosno u postupku je obustavljanja poslovne djelatnosti, u skladu sa važećim propisima u Bosni i Hercegovini ili zemlji u kojoj je registrovan;**

**c) potvrde nadležne poreske uprave ili ukoliko se radi o ponuđaču koji nije registrovan u Bosni i Hercegovini, potvrda ili izvod iz evidencije na osnovu koje se može utvrditi da uredno izmiruje obaveze za penzijsko i invalidsko osiguranje i zdravstveno osiguranje.**

**d) potvrde nadležne/ih institucija o uredno izmirenim obavezama po osnovu direktnih i indirektnih poreza.**

U slučaju da ponuđači imaju zaključen sporazum o reprogramu obaveza, odnosno odgođenom plaćanju, po osnovu doprinosa za penzijsko-invalidsko osiguranje, zdravstveno osiguranje, direktne i indirektno poreze, dužni su dostaviti potvrdu nadležne institucije/a da ponuđač u predviđenoj dinamici izmiruje svoj reprogramirane obaveze. Ukoliko je ponuđač zaključio sporazum o reprogramu obaveza ili odgođenom plaćanju obaveza i izvršio samo jednu uplatu obaveza, neposredno prije dostave ponude, ne smatra se da u predviđenoj dinamici izvršavaju svoje obaveze i taj ponuđač neće biti kvalifikovan u ovom postupku javne nabavke.

**Dokazi koje je dužan dostaviti izabrani ponuđač moraju sadržavati potvrdu da je u momentu predaje ponude ispunjavao uslove koji se traže tenderskom dokumentacijom. U protivnom će se smatrati da je dao lažnu izjavu. Dokaze o ispunjavanju uslova je dužan dostaviti u roku od 10 (deset) dana od dana**

**zaprimanja obavještenja o rezultatima ovog postupka javne nabavke. Dokazi koje dostavlja izabrani ponuđač ne mogu biti stariji od tri mjeseca, računajući od momenta predaje ponude. Naime, izabrani ponuđač mora ispunjavati sve uslove u momentu predaje ponude, u protivnom će se smatrati da je dao lažnu izjavu iz člana 45. ZJN BiH. Ukoliko ponudu dostavlja grupa ponuđača, svaki član grupe mora ispunjavati uslove u pogledu lične sposobnosti i dokazi se dostavljaju za svakog člana grupe.**

Ugovorni organ može isključiti ponuđača/kandidata na period od 12 mjeseci iz učešća u postupku javne nabavke ukoliko može dokazati:

- a) da je kandidat/ponuđač sklopio sporazum sa drugim kandidatom/ponuđačem kojem je cilj narušavanje tržišne konkurencije,
- b) da je dokazivo odgovarajućim dokaznim sredstvima da je ponuđač/kandidat kriv za teški profesionalni propust koji dovodi u pitanje njegov integritet,
- c) da su utvrđeni značajni nedostaci tokom sprovođenja predhodnog javnog ugovora ili predhodnog ugovara sa sektorskim organom čija je posljedica bila prijevremeni raskid tog predhodnog ugovora, naknada štete ili druga slična sankcija,
- d) ako je kandidat/ponuđač lažno prikazao činjenice pri dostavljanju podataka potrebnih za provjeru kvalifikacionih i/ili kriterijuma za dodjelu ugovora, ako je prikrrio takve informacije ili nije ustanju da priloži popratne dokumente,
- e) ako se sukob interesa u smislu člana 52. Zakona ne može ukloniti drugim, manjim drastičnim mjerama.

Rok od 12 mjeseci na koji se može isključiti ponuđača/kandidata iz učešća u postupku javne nabavke računa se od dana donošenja odluke nadležnog organa.

Kandidat/ponuđač kod kojeg su ostvarene osnove za isključenje po gore nabrojanim dokazima koji se mogu predočiti, može se dostaviti dokaz ugovornom organu o mjerama koje je preduzeo kako bi dokazao svoju pouzdanost bez obzira na postojanost relevantne osnove za isključenje, a to se dokazuje sljedećim:

- a) plaćanjem naknade štete ili preduzimanjem drugih odgovarajućih mjera s ciljem plaćanja naknade štete prouzrokovane krivičnim djelom ili propustom,
- b) aktivnom saradnjom sa nadležnim istražnim organima radi potpunog razrješenja činjenica i okolnosti u vezi sa krivičnim djelom ili propustom,
- c) odgovarajućim tehničkim, organizacionim i kadrovskim mjerama radi sprečavanja daljnjih krivičnih djela ili propusta.

Mjere koje preduzme kandidat/ponuđač (gore nabrojane) ocjenjuju se uzimajući u obzir težinu i posebne okolnosti djela ili propuste te je obavezan obrazložiti razloge prihvatanja ili neprihvatanja mjera. Ugovorni organ neće isključiti kandidata/ponuđača iz postupka nabavke ako je ocjenjeno da su preduzete mjere primjerene.

Kandidat/ponuđač kojem je pravosnaznom presudom određena zabrana ucestvovanja u postupcima javne nabavke na određeno vrijeme nema pravo korištenja mogućnosti dostavljanja dokaza kojima dokazuje svoju pouzdanost bez obzira na postojanje relevantnih osnova za isključenje. Ako ugovorni organ ima sumnje o postojanju okolnosti za odbacivanje ili isključenje kandidata/ponuđača, može se obratiti nadležnim organima s ciljem pribavljanja potrebnih informacija o predmetnom postupku.

**Ponuđač je dužan u svrhu dokazivanja sposobnosti obavljanja profesionalne djelatnosti kandidata iz člana 46. ZJN BiH dokazati da je:**

- a) da je registrovan u relevantnim profesionalnim ili drugim registrima u zemlji u kojoj je registrovan, ili dostavi posebnu izjavu ili potvrdu nadležnog organa kojom dokazuje njihovo pravo da obavlja profesionalnu djelatnost koja je u vezi sa predmetnom nabavkom,
- b) upisan u registar veletrgovaca prometa lijekova i medicinskim sredstvima kod Agencije za lijekove i medicinska sredstva BiH,

**U svrhu dokazivanja uslova iz tačke a) ponudjač je dužan dostaviti:**

- **Rješenje o upisu u sudski registra ili aktuelni sudski izvod iz sudskog registra ili neki drugi dokument kojim ponuđač nedvosmisleno dokazuje da je registrovan za obavljanje predmetne djelatnosti.**

U svrhu dokazivanja uslova iz tačke b) ponudjač je dostaviti:

- Važeću dozvolu za promet lijekovima i medicinskim sredstvima na teritoriji Bosne i Hercegovine koju je izdala Agencija za lijekove i medicinska sredstva BiH.

**Ukoliko ponudu dostavlja grupa ponuđača, svi članovi grupe zajedno moraju biti registrovani za obavljanje djelatnosti koja je predmet nabavke ili za dio predmetne nabavke.**

**Ponuđač je dužan dostaviti navedene dokaze uz ponudu u kopiji.**

**Ponuđač koji bude odabran kao najbolji u ovom postupku javne nabavke je dužan dostaviti navedene dokaze u originalu ili ovjerenom kopiji od strane nadležne institucije u roku od 7 /sedam/ dana od dana zaprimanja obavještenja o rezultatima ovog postupka javne nabavke.**

**Ponuđač je dužan u svrhu dokazivanja ekonomsko i finansijske sposobnosti kandidata iz člana 47. ZJN BiH dokazati da:**

**a) da je glavni transakcijski bankarski račun ponuđača aktivan i solventan**

**U svrhu dokazivanja uslova ponuđač je dužan dostaviti:**

- **Izjavu ovjerenom od strane ponuđača, koja je dostavlja u formi iz Priloga broj 4. TD, koja ne smije biti starija od 15 (petnaest) dana od dana predaje ponude i dostavljanje;**
- potvrda banke ponuđača (ili neke druge finansijske ustanove npr Centralna banka BiH) da ponuđač ima otvoren i solventan račun kod iste i da je ujedno taj račun glavni, dostavlja se kao neovjerenom kopija originala, s tim da datum izdavanja originala ne može biti stariji od 3 /tri/ mjeseca računajući od dana dostavljanja ponude.

Ponuđač koji bude odabran kao najbolji u ovom postupku javne nabavke je dužan dostaviti originale ili ovjerene kopije ranije navedenih dokumenata u roku od 7 (sedam) dana od dana zaprimanja obavještenja o rezultatima ovog postupka javne nabavke. Ukoliko ponudu dostavlja grupa ponuđača, svaki član grupe je dužan dostaviti ovjerenom izjavu.

**Ponudjač je dužan u svrhu dokazivanja tehničke sposobnosti kandidata iz član 48. i 49. ZJN BiH dokazati:**

- da je ponuđena medicinska oprema upisana u registar medicinskih sredstava kod Agencije za lijekove i medicinska sredstva BiH,
- da ponuđena medicinska oprema posjeduje odgovarajuće uvjerenje o kvalitetu izdato od strane organa ovlaštenog za verifikaciju proizvođača (samo ukoliko medicinskih sredstava traženih javnom nabavkom nema upisanih u registru sredstava kod Agencije za lijekove i medicinska sredstva BiH)
- da ima angažovane tehničko osoblje za poslove postavljanja, instaliranja i servisiranja ponuđene medicinske opreme.

**U svrhu dokazivanja uslova iz tačke a) ponudjač je dužan dostaviti:**

- kopiju važećeg dokumenta (rješenje, potvrda i sl.) o upisu ponudjenog medicinske opreme u registar medicinskih sredstava kod Agencije za lijekove i medicinska sredstva BiH.

**U svrhu dokazivanja uslova iz tačke b) ponuđač je dužan dostaviti:**

- EC-Certifikat o uskladenosti ili izjave proizvođača o uskladenosti ponudjenog medicinskog sredstva s evropskom direktivom (Declaration of Conformity), obična kopija,
- Izjava ponuđača da će uz isporuku medicinskog sredstva dostaviti ovjerenom kopiju saglasnosti za uvoz medicinskog sredstva-opreme izdatog od strane Agencije za lijekove i medicinska sredstva BiH (originalan dokument),

**U svrhu dokazivanja uslova iz tačke c) ponuđač je dužan dostaviti:**

- spisak angažovanih ovlaštenih certificiranih servisera u BiH i to najmanje 1 /jednog/ ovlaštena serviser, sa adresama i kontakt telefonima, potpisan od strane ponuđača (originalan dokument),
- certifikate za servisere izdate od strane proizvođača opreme (obična kopija),

**NAPOMENA:** Primjena uslova za dokazivanja tehničke sposobnosti kandidata (Član 48. i 49. ZJN BiH) pod b), i dokaza traženih za ispunjavanje navedenog uslova primjenjuje se samo ukoliko ne bude ponuđenih **medicinskih sredstava**-opreme upisanih u registar kod Agencije za lijekove i medicinska sredstva BiH, a

prema aktu navedene Agencije od 21.01.2016. godine. Za ponuđače koji ponude medicinsko sredstvo upisano u registar kod Agencije za lijekove i medicinska sredstva BiH, ne traži se ispunjavanje uslova i dokaza pod b).

Ponuđač koji bude odabran kao najbolji u ovom postupku javne nabavke je dužan dostaviti original ili ovjerenu kopiju ranije navedenih dokumenata u roku od 7 (sedam) dana od dana zaprimanja obavještenja o rezultatima ovog postupka javne nabavke. Dokaz koji je dužan dostaviti izabrani ponuđač mora sadržavati potvrdu da je u momentu predaje ponude ispunjavao uslove koji se traže tenderskom dokumentacijom. Ako je period od registracije/osnivanja dobavljača kraći od perioda za koji ugovorni organ zahtijeva izjave i dokumente koji se odnose na ekonomsko i finansijsko stanje i tehničku i profesionalnu sposobnost dobavljača, dobavljač treba dostaviti dokumente samo za period od svoje registracije/osnivanja.

#### Izjave i dokumenti o uslovima isporuke, garanciji i pružanju servisne podrške:

- Izjava ponuđača da garantni rok za isporučena medicinsku opremu iznosi **minimalno 12 (dvanaest) mjeseca od dana zapisničkog puštanja medicinske opreme u rad,**
- Izjava ponuđača da će nakon završene instalacije ugovorne strane potpisati zapisnik o puštanju opreme u rad,
- Izjava ponuđača da rok isporuke predmetne robe neće biti duži od 30 (trideset) dana od dana obostranog potpisivanja predmetnog ugovora u skladu sa tačkom 9. TD
- Izjava ponuđača da je mjesto isporuke predmetne robe franko skladište JU Kantonalna bolnica Zenica u skladu sa tačkom 8. TD
- Izjava ponuđača o opciji ponude u trajanju od 120 (stodvadesetdana) dana u skladu sa tačkom 21. TD,

Napomena: Tačna dužina garantnog roka za ponuđenu opremu u mjesecima (obzirom da je jedan od kriterija) biće unešena u ugovor o javnoj nabavci, nakon provedene e-aukcije.

#### PODACI O PONUDI

##### Sadržaj ponude i način pripreme ponude

Ponuda se zajedno sa pripadajućom dokumentacijom priprema na jednom od službenih jezika u Bosni i Hercegovini, na latiničnom ili ćirilničnom pismu. Pri pripremi ponude ponuđač se mora pridržavati zahtjeva i uslova iz tenderske dokumentacije. Ponuđač ne smije mijenjati ili nadopunjavati tekst tenderske dokumentacije.

##### Ponuda mora sadržavati:

- a) Osnovne podatke o ponuđaču na memorandumu ponuđača (Adresa, sjedište, službeni e-mail ponuđača za komunikaciju i dostavu odluka, direktor, ID broj, naziv banke kod koje ima otvoren glavni račun sa brojem istog i sl.)
- b) Obrazac za dostavljanje ponude, popunjen, potpisan i ovjeren od strane ovlaštene osobe, **Prilog broj 1 TD**
- c) Obrazac za cijenu ponude, popunjen, potpisan i ovjeren od strane ovlaštene osobe **Prilog broj 2 TD**
- d) Izjava o ispunjenosti uslova iz člana 45. stav (1) tačaka od a) do d) ZJN- **Prilog broj 3 TD**, ovjerena od strane nadležnog organa (općinskog organa uprave, suda ili notara) u skladu sa tačkom 10.1. TD
- e) Dokumentacija kojom ponuđač dokazuje ispunjenost uslova iz člana 46. ZJN BiH u skladu sa tačkom 10.2. TD
- f) Izjava i dokumenata kojima dokazuje da ispunjava tražene uslova iz člana 47. ZJN BiH, **Prilog broj 4 TD**, u skladu sa tačkom 10.3. TD
- g) Dokumentacija kojom ponuđač dokazuje tehničku i profesionalnu sposobnost (član 48. i 49. ZJN BiH) u skladu sa tačkom 10.4. TD
- h) Izjave ponuđača koje su u skladu sa tačkom 10.5. TD, original, koje čine sastavni dio ponude
- i) Obrazac izjave o dostavi garancije za uredno izvršenje ugovora, **Prilog broj 5 TD**,
- j) Pismena izjava ponuđača iz člana 52. ZJN BiH, **Prilog broj 6 TD**, ovjerena od strane nadležnog organa (općinskog organa uprave, suda ili notara)
- k) Obrazac povjerljive informacije, **Prilog broj 7 TD**,
- l) Potpisan i ovjeren Nacrt ugovora, **Prilog broj 8 TD**,
- m) Obrazac izjave o prihvatanju općih i posebnih uslova tenderske dokumentacije, **Prilog broj 9 TD**,
- n) Ukoliko ponudu, umjesto lica upisanog u sudski registar, potpisuje ovlašteno lice, potrebno je uz ponudu, dostaviti i original ili ovjerenu fotokopiju punomoći lica ovlaštenog za potpisivanje ponude.

**Komisija koja provodi predmetnu javnu nabavku konstatuje da je ponuđač „MEDPOINT“ d.o.o. Sarajevo, uz ponudu za predmetnu javnu nabavku roba: Fotomultiplikator za gama kameru za potrebe Odjela nuklearne medicine, uz ponudu dostavio sljedeće dokumente i to:**

- Osnovni podaci o ponuđaču na memorandumu ponuđača,
- Obrazac za dostavljanje ponude, **Prilog broj 1**, popunjen, potpisan i ovjeren od strane ovlaštene osobe,
- Ponuda br. 019-07/2023 od strane potencionalnog ponuđača u apredmetnu robu od 19.07.2023
- Obrazac za cijenu ponude, **Prilog broj 2**, popunjen, potpisan i ovjeren od strane ovlaštene osobe,
- Izjava o ispunjenosti uvjeta iz člana 45. stav (1) tačaka od a) do d) ZJN BiH, potpisana i ovjerene od strane ovlaštene osobe ponuđača i ovjerena kod nadležnog organa dana 19.07.2023 godine, **Prilog broj 3**,
- Uvjerenje Općinskog suda u Sarajevu, broj: 65 0 Kr 23 010763 od 18.07.2023. godine o činjenicama iz službene evidencije, da za pravno lice "MEDPOINT" d.o.o. Sarajevo u krivičnom postupku nije izrečena pravosnažna presuda kojom je osuđeno za krivično djelo učešća u kriminalnoj organizaciji za korupciju, prevaru ili pranje novca, a sve u smislu člana 45. stav 2. tačka a. ZJN u BiH, **original**
- Uvjerenje Općinskog suda u Sarajevu, broj: 065-0-R-23-001633 od 18.07.2023. godine o činjenicama iz službene evidencije, da kao pravno lice "MEDPOINT" d.o.o. Sarajevo nije pod stečajem niti je predmet stečajnog postupka, nije predmet postupka likvidacije, odnosno nije u postupku obustavljanja poslovne djelatnosti, u smislu člana 45. stav 2. tačka b. ZJN u BiH, **original**
- Uvjerenje izdato od Uprava za indirektno-neizravno oporezivanje, Regionalni centar Sarajevo, broj: 02/6/II-16-11-20-8499-1/23 od 20.07.2023. godine, kojim se potvrđuje da "MEDPOINT" d.o.o. Sarajevo na dan 20.07.2023. godine, nema dospjelih, a neizmirenih obaveza po osnovu indirektnih poreza, ostalih prihoda i taksi definisanih odredbama člana 1. stav (2) Zakona o sistemu indirektnog oporezivanja i člana 1. stav (3) Zakona o uplatama na Jedinstveni račun i raspodjeli prihoda, **original**
- Uvjerenje Federalnog ministarstva financija-finansija, Porezna uprava FBiH, Kantonalni porezni ured Sarajevo, Porezna ispostava Novo Sarajevo, broj: 13-9/7-12-5-3118/23 od 26.07.2023. godine, da "MEDPOINT" d.o.o. Sarajevo prema poreznoj evidenciji nema obaveza, da porezni obveznik nema duga po osnovu javnih prihoda, da nema duga po osnovu doprinosa za penzijsko i invalidsko osiguranje, zdravstveno osiguranje i osiguranje od nezaposlenosti i ostalih direktnih poreza, **original**
- Rješenje o registraciji, Općinski sud Sarajevu, broj 065-0-Reg-11-004424 od 10.01.2012. godine, kopija **ovjerena** kod nadležnog organa dana 19.07.2023. godine,
- Rješenje Agencije za lijekove i medicinska sredstva BiH broj: 10-07.12-2-1018-3/19 od 21.03.2019. godine o upisu ponuđača u Registar veleprometnika medicinskih sredstava, koje je izdato na period od pet godina zaključno sa danom **20.03.2024.** godine, kopija potpisana i ovjerena od strane ovlaštene osobe ponuđača i **ovjerena** kod nadležnog organa dana 19.07.2023. godine
- Izjava o ispunjenosti uslova iz člana 47. St. (1) tačaka od a) do d) i (4) ZJN, potpisana i ovjerene od strane ovlaštene osobe ponuđača, **Prilog broj 4**,
- Potvrda broj 02675/23 izdata dana 27.07.2023. godine od strane Raiffeisen BANK, Glavna Filijala Sarajevo, Agencija Vogošća, kojom se potvrđuje da ponuđač/imalac transakcijskog računa, u periodu od 26.01.2023 do 26.07.2023 nije bio blokiran niti je imao zabranu raspolaganja sredstvima na transakcijskom računu, **kopija**
- Certifikat izdat od strane PHILIPS firme na ime Emil Kolar, kopija
- Certifikat izdat od strane PHILIPS firme na ime Emil Kolar, kopija
- Licenca od strane Državne regulatorne/ regulativne agencije za radijaciju i nuklearnu sigurnost za obavljanje djelatnosti nabavke i distribucije izvora jonizirajućih zračenja, broj: 5-113-595/23 od 11.11.2021. godine i Rješenje Državne regulatorne/ regulativne agencije za radijaciju i nuklearnu sigurnost broj: UP-1-05-04-2-595/21 od 10.11.2021. godine za o izdavanju licence za djelatnost nabavke i distribucije izvora jonizirajućeg zračenja, kopija, ovjereno kod nadležnog organa 19.07.2023
- Izjava ponuđača da je rok važenja ponude 120 (stodvadeset) dana u skladu sa tačkom 21. TD, potpisana i ovjerena od strane ovlaštene osobe ponuđača,
- Izjava ponuđača da je mjesto izvršenja usluga JU Kantonalna bolnica Zenica, u skladu sa tačkom 21. TD, potpisana i ovjerena od strane ovlaštene osobe ponuđača,
- Izjava ponuđača o roku isporuke od 30 (trideset) dana od obostranog potpisivanja predmetnog ugovora u skladu sa tačkom 9. TD, potpisana i ovjerena od strane ovlaštene osobe ponuđača,
- Izjava ponuđača da će nakon završene instalacije, sačiniti zapisnik koji će biti potpisan od strane ugovorene strane MEDPOINTA d.o.o. Sarajevo i JU KBZ o puštanju opreme u rad, potpisana i ovjerena od strane ovlaštene osobe ponuđača
- Izjava ponuđača o garanciji na rezervni dio 12(dvanaest) mjeseci od dana ugradnje tj. zapisničkog puštanja medicinske opreme u rad, potpisana i ovjerena od strane ovlaštene osobe ponuđača,

- Obrazac izjave o dostavi garancije za dobro izvršenje ugovora, potpisan i ovjeren od strane ovlaštene osobe ponuđača, **Prilog broj 5**,
- Pismena izjava iz člana 52. ZJN, popunjena, potpisana i ovjerene od strane ovlaštene osobe ponuđača i ovjerena kod nadležnog organa dana 19.07.2023. godine, **Prilog broj 6**,
- Obrazac za povjerljive informacije, **Prilog broj 7**, potpisan i ovjeren od strane ovlaštene osobe ponuđača
- Nacrt ugovora, potpisan i ovjeren od strane ovlaštene osobe, **Prilog broj 8**,
- Obrazac Izjave o prihvatanju općih i posebnih uslova TD, **Prilog 9**, potpisan i ovjeren od strane ovlaštene osobe ponuđača,

Analizom ponude ponuđača „MEDPOINT“ d.o.o. SARAJEVO Komisija koja provodi predmetnu javnu nabavku roba: Fotomultiplikator za gama kameru za potrebe Odjela nuklearne medicine (otvoreni postupak nabavke, tender broj: 11-75/23), je utvrdila da je ponuđač dostavio ponudu koja je uvezana na način propisan T.D., da je imenovani dostavio KOPIJU i ORIGINAL ponudu u skladu sa tačkom 12. TD, da je imenovani dostavio tražene dokumente, obrasce, izjave, ovjerene od strane nadležnog organa i ovlaštene osobe, prema uputama i uvjetima postavljenim u TD, a iz svega se može utvrditi da ponuđač „MEDPOINT“ d.o.o. SARAJEVO ispunjava uslove u pogledu:

- lične sposobnosti iz člana 45. ZJN BiH, a u skladu sa tačkom 10.1. TD,
- profesionalne djelatnosti iz člana 46. ZJN BiH, a u skladu sa tačkom 10.2. TD,
- ekonomske i finansijske sposobnosti iz člana 47. ZJN BiH, u skladu sa tačkom 10.3. TD,
- tehničke i profesionalne sposobnosti iz člana 48. i 49. ZJN BiH, u skladu sa tačkom 10.4. TD, pod c),
- te izjave potpisane i ovjerene od strane ponuđača u skladu sa tačkom 10.5. TD.

Ponuđač Medpoint doo Sarajevo, u ponudi nije dostavio tražene dokaze, u tački 10.4 pod a) i b) tehničke i profesionalne sposobnosti iz člana 48. ZJN BiH, obzirom da tražene dokaze objektivno nije mogao niti dostaviti, jer navedeni uslov nije mogao biti u TD, obzirom da rezervni dijelovi za navedenu opremu nisu nikada niti bili registrovani kod ALMBiH (tako je u svim postupcima javne nabavke rezervnih dijelova za medicinsku opremu u Bolnici), a pogotovo ne za aparat star preko dvadeset godina, te je navedeni uslov u tački 10.4. pod a) i b) greškom uvršten u TD, iako nije bio neophodan u istoj. Dalje, ukoliko Komisija ocjeni ponudu neprihvatljivom i poništi postupak nabavke, ponuđač opet neće moći dostaviti tražene dokaze u ponovljenom postupku, a niti bi se oni tražili, tako da bi u ponovljenom postupku mogla biti dostavljena samo istovjetna ponuda kao i u ovom postupku nabavke (što bi predstavljalo samo dalje odgađanje popravke aparata). Obzirom na izneseno, da je u pitanju hitnost nabavke rezervnog dijela za aparat koji nije u funkciji, a postoji potreba za njegovim stavljanjem u funkciju, da se kao ponuđač može pojaviti samo jedna firma-Medpoint doo Sarajevo, koja jedina vrši servisiranje navedenog aparata, smatramo da se ponuda u smislu tačku 12.4 TD pod a) i b), treba smatrati prihvatljivom.

Komisija konstatuje da je ponuđač „MEDPOINT“ d.o.o. SARAJEVO kao sastavni dio ponude dostavio u originalu ili uredno ovjerenu dokumentaciju i to: iz člana 45. ZJN BiH u skladu sa tačkom 10.1. TD (osim potvrde Suda BiH), iz člana 46. ZJN BiH u skladu sa tačkom 10.2. TD, te u slučaju da navedeni ponuđač bude odabran Odlukom o izboru najpovoljnijeg ponuđača isti neće biti dužan dostaviti navedenu dokumentaciju u originalu ili ovjerenoj kopiji ponovo.

Komisija konstatuje da ponuđač „MEDPOINT“ d.o.o. SARAJEVO kao sastavni dio ponude nije dostavio u originalu ili uredno ovjerenu dokumentaciju i to: iz člana 45. ZJN BiH u skladu sa tačkom 12.1. TD (nije dostavio ovjerenu potvrdu Suda BiH, iz član 47. ZJN BiH, u skladu sa tačkom 12.3. TD (nije dostavio ovjerenu potvrdu banke) te u slučaju da navedeni ponuđač bude odabran Odlukom o izboru najpovoljnijeg ponuđača isti će biti dužan dostaviti navedenu dokumentaciju u originalu ili ovjerenoj kopiji u roku od 7 (sedam) dana od dana zaprimanja obavještenja o rezultatima ovog postupka javne nabavke, u suprotnom smatraće se da je odustao od svoje ponude.

Komisija koja provodi predmetnu javnu nabavku konstatuje da jedina kvalifikovana ponuda ispunjava sve zahtjeve u pogledu opisa predmeta nabavke i tehničkih specifikacija u skladu sa traženim TD, da je ponuđena roba u skladu sa traženim TD, i da je kao takva prihvatljiva za Ugovorni organ u cjelosti.

Prema svemu gore navedenom ponuda ponuđača „MEDPOINT“ d.o.o. SARAJEVO u predmetu nabavke roba: Fotomultiplikator za gama kameru za potrebe Odjela nuklearne medicine (otvoreni postupak nabavke, tender broj: 11-75/23), u cjelosti ispunjava uslove postavljene u TD i kao takva prihvatljiva je ugovornom organu u cjelosti.

U tenderskoj dokumentaciji za roba: **Fotomultiplikator za gama kameru za potrebe Odjela nuklearne medicine (otvoreni postupak nabavke, tender broj: 11-75/23)** procijenjene vrijednosti **8.000,00** bez uračunatog PDV-a, na jednogodišnjem nivou, JRJN oznaka predmeta nabavke: **33100000-1 Medicinske naprave** kriterij za dodjelu okvirnog sporazuma je:

Ekonomski najpovoljnija ponuda:

- a) cijena-čija je vrijednost 90%
- b) dužina garantnog roka-čija je vrijednost 10%

Također, tenderskom dokumentacijom planirano je provođenje e-aukcije.

Komisija je izvršila vrednovanje ponuda kako slijedi:

U predmetnom postupku ponudu je dostavio 1 (jedan) ponuđač, i to: „**MEDPOINT**“ d.o.o. SARAJEVO. Obzirom da je nakon provjere kvalificiranosti ponuđača utvrđeno da samo jedan ponuđač ispunjava sve zahtjeve iz TD, odnosno da ima **1 (jedna)** prihvatljiva ponuda, čime se nisu stekli uslovi za provođenje e-aukcije u skladu sa odredbama Pravilnika o uslovima i načinu korištenja e-aukcije (Službeni glasnik BiH, broj 66/16) i kriterijima za dodjelu ugovora definisanim tenderskom dokumentacijom.

Komisija je izvršila vrednovanje jedine dostavljene prihvatljive ponude kako slijedi:

RED. BR. PONUDE	PONUĐAČ	UKUPNA CIJENA bez PDV-a u KM,
1.	„MEDPOINT“ d.o.o. SARAJEVO	<b>8.000.00 KM</b> Garancija 12 mjeseci

Procijenjena vrijednost nabavke je **8.000,00 KM**, bez PDV-a

Obzirom da je za javnu nabavku robe: **Fotomultiplikator za gama kameru za potrebe Odjela nuklearne medicine (otvoreni postupak nabavke, tender broj: 11-75/23)**, pristigla samo jedna kvalificirana ponuda, da se zakazivanje i provođenje e-aukcije u tom slučaju ne provodi iz objektivnih razloga, da cijena jedine ponude ne premašuje procijenjenu vrijednost nabavke, shodno utvrđenoj rang listi, Komisija koja provodi predmetnu javnu nabavku jednoglasno daje preporuku direktoru JU Kantonalne bolnice Zenica da za nabavku Fotomultiplikatora za gama kameru za potrebe Odjela nuklearne medicine (otvoreni postupak nabavke, tender broj: 11-75/23), izvrši odabir jedine dostavljene kvalifikovane ponude i donese odluku o dodjeli ugovora na ukupnu vrijednost ponude koja iznosi **8.000,00 KM**, bez PDV-a, sa garantnim rokom od 12 (mjeseci) na ponuđenu robu, „MEDPOINT“ d.o.o. SARAJEVO, kao jedinom prihvatljivom i kvalificiranom ponuđaču.

Na osnovu gore navedenog, donesena je odluka kao u dispozitivu.

**Pouka o pravnom lijeku:**

Protiv ove odluke može se uložiti žalba Kantonalnoj bolnici Zenica u roku od 10 (deset) dana od dana prijema iste.



Handwritten signature in blue ink, likely of the Director, and another signature below it.